



201001976-73

312

KU/JFJ

Norges Vassdrags og energidirektorat

Postboks 5091 Maj.

0301 OSLO

Vår ref.

10/1692-25/N-548//KJHE

Dykkar ref.

Dato:

19.12.2012

Øystesevassdraget - uttale til høyring om søknad frå Øystese Kraft AS om konsesjon til å byggja ut nedre del vassdraget - Øysteseelva

Uttale frå Kvam heradsstyre 18. desember 2012

143/12: ØYSTESEVASSDRAGET - UTTALE TIL HØYRING OM SØKNAD FRÅ ØYSTESE KRAFTVERK AS OM KONSESJON TIL Å BYGGJA UT NEDRE DEL AV VASSDRAGET - ØYSTESEELVA

HST-143/12 Vedtak:

Høyringsuttale frå Kvam herad:

Heradsstyret har gjort ei brei vurdering av søknaden frå Øystese Kraft AS om konsesjon for bygging av Øystese kraftverk. Ein konsesjon vil bli gitt på uavgrensa tid, og dei naturinngrep som vil følgja med ei utbygging vil vera av varig karakter. Det er difor heradsstyret si plikt å gjera ei avveging i eit langsiktig perspektiv av dei samla fordelar og ulemper av utbygginga som det er søkt om.

Dersom NVE innstiller positivt overfor OED om at Øystese Kraft AS får løyve til å byggja ut nedre del av Øystesevassdraget, ber Kvam heradsstyre NVE ta inn i konsesjonsvilkåra følgjande presiseringar:

1. For å ta vare på naturoppleving, flora og fauna meiner Kvam herad at minstevassføringa må setjast som omsøkt.

2. Kommunal veg gjennom anleggsområdet

Øystese Kraft AS har i konsesjonsøknaden vist behovet for to anleggsvegar. Kvam herad krev at Øystese Kraft AS koplar dei saman til ein samanhengande veg, og rustar opp traseen til kommunal vegstandard. For traseen, sjå saksutgreiing. Vegen skal ta av frå Fv130 ved avkøyrsla til Storeholmen og førast fram til tilkomsttunnelen til kraftstasjonen. Øystese Kraft AS har ansvaret for at den nye vegen vert kopla til eksisterande fylkesveg. Vegen vert planlagt og utført i samarbeid med Kvam herad. Vegen skal tilfredsstilla alminnelige krav til konstruksjon og standard for kommunale veger. Ved overlevering av vegen til Kvam herad skal vegen vera ferdig asfaltert.

3. Utvikling av næringsareal

Kvam herad viser til konsesjonssøknaden for plassering av deponi av sprengstein. Kvam herad ynskjer at dette arealet vert grovplanert som grunnlag for å utvikla eit næringsareal. Kvam herad ber NVE om legg forholda til rette for at det vert mogeleg å gjennomført maksimal utfylling i deponiområdet mot Øystese-elva. Kor omfattande utfyllinga kan vera må avklarast under detaljplanlegging. Øystese Kraft AS skal transportera massane og grovplanera området. Tiltaket vert planlagt og utført i samarbeid med Kvam herad. Kvam herad står ansvarleg for å gjennomføra nødvendige planprosessar og treffa dei reguleringsmessige vedtak som viser seg nødvendig for gjennomføring av tiltaket.

4. Massedeponering

Utbygginga vil tilføra inntil 70 000 m³ med sprengstein til området. Øystese Kraft AS har rett til vederlagsfritt å dekkja sitt eige behov for massar til å gjera anlegget ferdig. Overskotsmassane disponerer Kvam herad vederlagsfritt og vert nytta til desse føremål:

- a. Massedeponering i Busdalen: Kvam herad ynskjer å bruka anslagsvis 30.000 m³ til å justera høgde-nivået på arealet i Busdalen. Formålet er å sikra området mot flaum. Kvam herad viser til flaumkart utarbeidd av NVE. Øystese Kraft AS skal plassera og grovplanera massane i området etter nærare tilvising frå Kvam herad.
- b. Alternativ massedeponering: Dersom det skjer endring i kommunale planar, er alternativet til punkta ovanfor å plassera massane i eit geografisk område mellom den planlagde kraftstasjonen, Mo, Stronde og Børvenes-tunnelen.
- c. Eventuelle overskotsmassar for seinare bruk vert deponerte på eit mellomlager i området.

Kvam herad står ansvarleg for å gjennomføra nødvendige planprosessar og treffa dei reguleringsmessige vedtak som viser seg nødvendig for gjennomføring av tiltaka.

5. Reservevasskjelde

Kvam herad har i dag rettar knytt til uttak av vatn til offentleg føremål og vassdraget er i dag reservevasskjelde for Kvam vassverk. Øystese Kraft AS må erstatta desse rettane og i samarbeid med Kvam herad etablera tekniske utrustningar som gjer det mogeleg for Kvam herad i framtida å nytta vassdraget som reservevasskjelde.

6. Mineralar i området

I samband med sprenging og masseuttak er det frå heradet si side ynskjeleg å sikra ev. interessante mineral, i den grad anleggsarbeida måtte komma i kontakt med slike førekomstar. Heradet vil i denne samanheng be om å få overdrege slike mineral kostnadsfritt til Kvam herad.

7. Tilbod om utbyggingsavtale.

Dersom berre Øystese Kraft AS får konsesjon, vil Kvam herad gjera seg nytte av tilbodet frå Øystese Kraft AS, datert 13. november 2012.

På grunnlag av dei opplysningar som er kome fram og vurdert i saksutgreiinga, er det heradsstyret sitt syn at dei samla fordelane på lang sikt vil overstiga dei samla ulempene. På denne bakgrunn vil heradsstyret gå inn for at det vert gjeve konsesjon som søkt om.

Med helsing



Kjell Helvik
Seniorrådgjevar